

# KONTAKT

KYRKJEBLADET FOR MELAND · NR. 3/23 · 33. ÅRGANG

## Kyrkjevalet



## Kandidatar til soknerådsvalet i Meland

### 1. Maria Sæle, 42 år, lærar, Frekhaug

#### Satsingsområde:

- Barne- og ungdomsarbeidet i kyrkjelyden
- Diakoni
- Ny kyrkje på Frekhaug

#### Utdanning og yrke:

Almennlærer med musikk. Økonomi/juss/pedagogisk leing, kristendom, religion, livssyn og norskdidaktikk, sjelsorg for barn og unge.

#### Verv i kyrkjeleg samanheng:

2019-dd. Meland sokneråd og i diakonitutvalet  
Ulike verv og oppgaver i Laget/NKSS, region Vest og Lagsvennrådet: rekruttering, initiativ, ledertrening, oppfølging, møteledelse.

Styrearbeid i ungdomsklubb og skolelagsstyre



### 2. Per Arne Traa, 50 år, leder (Manager Supply Chain), Frekhaug

#### Satsingsområde:

- En raus og inkluderende menighet.
- Gode møtepunkter og aktiviteter for alle typer mennesker.

#### Utdanning og yrke:

Utdanning: Bachelor i økonomi  
Yrke: Stilling i Equinor ASA sidan 2002

#### Verv i kyrkjeleg samanheng:

Gudstenestelag i Meland kyrkje  
Diverse dugnadsoppdrag  
Medlem utval for ny kyrkje på Frekhaug



### 3. Kari Erikstein, 51 år, avdelingsleder for beredskapshjemmene i Bergen og Førde, Frekhaug

#### Satsingsområde:

Er opptatt av inkludering og fellesskap, og er særlig opptatt av at alle skal føle seg velkommen og ivare tatt i menigheten. Brenner spesielt for barne- og ungdomsarbeidet.

#### Utdanning og yrke:

Barnevernspedagog, familierapi, pedagogikk og organisasjon/ledelse

#### Verv i kyrkjeleg samanheng:

Leder for søndagsskolen Løvegjengen  
Soknerådsmedlem og soknerådsleder  
Medlem i gudstjenestetteam.



### 4. Kristian Martin Bech, 67 år, arkitekt MNAL. Frekhaug

#### Satsingsområde:

Kirkens sentrum, Kristus (Allikevel: man trenger ikke tro på Gud for å gå i kirken)  
Inkludering (alle skal føle seg velkomne). Gjøre kirken relevant for folk (hva kan kirken bety i menneskers liv, kirkelivets bredde) Sang og musikk – variert i stil og uttrykk (også rom for samtidsmusikk. Frivillighet (lav terskel for å kunne delta)

#### Utdanning og yrke:

Arkitektthøgskolen i Oslo

#### Verv i kyrkjeleg samanheng:

Menighetsbladet i Storetveit menighet, Bergen  
Frivillig i Birkeland menighet, Bergen



### 5. Aslaug Cecilie Sæle Miljeteig, 52 år, spesialsykepleier nyfødttintesiv, Frekhaug

#### Satsingsområde:

Jeg er opptatt av en åpen kirke med plass til alle. Inkluderende og trosstyrkende gudstjenester med fin salmesang og musikk. Viktig med et godt tilbud til barn og ungdom med løvegjeng, trosopplæringstiltak, konfirmantarbeid og ungkyrkja.

Husgrupper er gode kristne fellesskap som flere burde ta del  
Fortsette den gode jobben som det forrige soknerådet har gjort.

#### Utdanning og yrke:

Sykepleierutdanning. Master i avansert klinisk nyfødtsykepleie

#### Verv i kyrkjeleg samanheng:

Vara til Meland sokneråd (to periodar)  
Barne og ungdomsutvalet i Meland  
Ansvar for Løvegjengen.



### 6. Sølvi Norunn Gripsgård Knudsen, 77 år, pensjonist, Myrtveit/Austebygda

#### Satsingsområde:

Vidareføra det gode arbeidet som vert gjort innan Meland sokn

#### Utdanning og yrke:

Pensjonist, tidlegare rådgjevar for funksjonshemma i Meland kommune og bonde

#### Verv i kyrkjeleg samanheng:

Medlem i Meland sokneråd og fellesrådet i Meland.



## Kandidatar til soknerådsvalet i Meland

### 7. Roba Alserhan, 49 år, rådgiver Alver kommune, Frekhaug

#### Satsingsområde:

- Inkludering.
- Internasjonal gudstjeneste
- Språkkafe
- Misjon. Humanitær hjelp

#### Utdanning og yrke:

Agronom.

#### Verv i kyrkjeleg samanheng:

Medlem i gudstenestelag Meland  
Språkkafeen på Møteplassen, Frekhaug



### 8. Jonita Jorill Tresvik Næss, 59 år, lærar vidaregåande skule, Holme

#### Satsingsområde:

- Gudstenestene i Meland kyrkjelyd
- Diakonalt arbeid

#### Utdanning og yrke:

Faglærarutdanning og vidareutdanning i diverse pedagogiske fag. Adjunkt med opprykk ved Åsane vidaregåande skule

#### Verv i kyrkjeleg samanheng:

Leiar i gudstenestelag i Meland Kyrkjelyd.  
Tidlegare medlem i misjonsutvalet og barne- og ungdomsutvalet i Meland Kyrkjelyd.  
Barne- og familiararbeid (hatt ansvar for søndagskule, yngres og ungdomskveldar i ulike samanhenger. Leirleiar,- på konfirmantleirar, barne- og ungdomsleirar og familieleirar.



### 9. Lisbeth Sjursen, 50 år, Avdelingsleiar vidaregåande skule, Frekhaug

#### Satsingsområde:

Ei Melandkyrkje open for alle. Barne og ungdomsarbeid. Kommunikasjon/informasjon

#### Utdanning og yrke:

Barnevernspedagog, familieterapi, pedagogikk og organisasjon/ledelse

#### Verv i kyrkjeleg samanheng:

Master Marketing Management (Storbritannia). Praktisk pedagogisk utdanning (Stord). Nasjonal rektorutdanning (NHH)



### 10. Aslaug Aalen, avdelingsjef, Flatøy

**Satsingsområde:** Barne- og ungdomsarbeidet. Diakoni Yrke/utdanning. Master i naturforvaltning, NMBU

#### Verv i kyrkjeleg samanheng:

Varamedlem Meland sokneråd  
Styret i kyrkjebladet  
Medarbeider Løvegjengen ca 10 år  
Komiteen for ny kyrjee



### Frode Brakstad, 39 år, sjølvstendig næringsdrivande, Frekhaug

#### Satsingsområde:

Å ta vare på den kristne kulturarven vår- Ein levande, raus og open kyrkjelyd der alle kan føle seg velkomne. Barne- og ungdomsarbeid

#### Yrke/utdanning:

Automatkar/ Sr. Ingeniør  
Automatisering – Equinor  
ASA

Dagleg leiar – Sagstad Kassefabrikk AS  
Sjølvstendig Næringsdrivande – B-Tek Brakstad Teknikk

#### Verv i kyrkjeleg samanheng:

Medarbeidar Yngres  
Rådsmedlem for Meland i Fjon fjellkyrkje



Meir informasjon om kandidatane finn du på [www.kyrkjevalet.no](http://www.kyrkjevalet.no)

### Visste du at...

- Ca. 3 millionar nordmenn har rett til å stemme ved kyrkjevalet 10.-11. september.
- Du må vere døypt for å vera medlem i Den norske kyrkja.
- Ungdom har stemmerett i kyrkjevalet frå året dei fyller 15.
- Eit sokneråd har 4-10 medlemmer, i tillegg til soknepresten. Meland sokneråd har 6 medlemmer. Medlemene har ulik utdannings- og yrkesbakgrunn og mange er også aktive på andre arenaer i lokalsamfunnet.
- Til saman skal om lag 7000 rådsmedlemer bli stemde inn i kyrkjevalet 2023.



# Di stemme tel i kyrkjevalet

Tekst: DNK/Meland sokn

Foto: Meland sokn ved ulike fotografar

**Er du ein av dei 3,5 millionane som er medlem i Den norske kyrkja? Då er stemma di viktig i kyrkjevalet! Når du stemmer, gir du ein tommel opp til kyrkjelyden din, og du er med på å bestemme kven som skal leie den framover.**

Kyrkja er til stades over alt i Noreg. Den tek del i kvardagsliva våre og ved større og mindre hendingar i livet. I sorga og festen, i trøysta, songen, leiken og gleda. Kyrkja er open for alle, frå vogge til grav. Kyrkja har rom for deg!

Korleis vil du at kyrkja skal vere? Ved kyrkjevalet 10.-11. september har du høve til å påverke: På same tid som det er val til kommunestyre og fylkesting i eit vallokale like ved, kan du også stemme fram kven som skal leie kyrkja på lokalt, regionalt og nasjonalt nivå. Nytt av året er at du kan førehandsstemme *digitalt*. Det gjer du på kyrkjevalet. no frå 10. august til og med 6. september. Du kan òg førehandsstemme fysisk til 8. september:

- kvar onsdag frå 16.08-06.09 mellom 10.00 og 14.00 på kyrkjekontoret på Frekhaug (Brakker bak byggeplass, Havnevegen 31)
- søndag 20.08 og 03.09 etter gudstenesta i Meland kyrkje (12.30-13.30)
- torsdag 31.08 kl. 15.00-20.00 i Meland kyrkje.

## To val

Kyrkjevalet er to val: Du kan stemme på kandidatar til soknerådet og til bispedømeråd og Kyrkjemøtet.

*Til soknerådsvalet* i Meland har ein gjeng flotte medlemmer sagt ja til å vere kandidatar til soknerådet og leie kyrkjelyden dei fire neste åra. I soknerådet stemmer du på enkeltpersonar. Du har høve til å gje inntil tre kandidatar ei ekstrastemme. Kandidatane med flest stemmer blir med i rådet. Les meir om kandidatane side 2-3.

For nominasjonskomiteen var det viktig å finna medlemmer som deler visjonen: Nær Gud, Nær menneske. Komiteen er strålende nøgde med kandidatane som stiller til val og er trygg på at uansett kven som havnar på lista vert det eit solid og godt råd som kan føre vidare verdigrunnlaget for kyrkja og kyrkjelyden i Meland - *Engasjert, mangfaldig og inviterande kvardagskyrkje*.

I val til *bispedømeråd* og *Kyrkjemøtet* er du med på å bestemme kven som utgjer bispedømmerådet. Dei same som er valde inn der, utgjer også Kyrkjemøtet i lag med bispedømerådsmedlemmer frå resten av landet. Les meir om dette på side 7-10.

I begge vala er det høve til å gjere endringar på listene, til dømes å gje personstemme til enkelte kandidatar. Kva for endringar det gjeld, og korleis endringane påverkar valresultatet, kan du lese meir om på kyrkjevalet.no.

Sjå også nettsidene våre: kyrkja.no/meland eller på [www.kyrkjevalet.no](http://www.kyrkjevalet.no)

Godt val!

# Kyrkjetilsette i Alver – Mest puslete i landet?

Tekst: Øystein Skauge

Foto: Privat

I september vert VM i puslespel arrangert i byen Valladolid i Spania. Ikkje mindre enn to av dei norske som dreg dit, bur i Alversund og har bakgrunn som kyrkjeleg tilsette i kommunen.

Det er Ole Marton Ølberg og Helle Leivestad Kartveit.

Ole Marton arbeider som sokneprest i Lindås sokn, medan Helle gjennom fleire år arbeidde som trusoplærar i Knarvik sokn. Ho er tilsett i halv stilling som barne- og ungdomskonsulent i NMSU - Det Norske Misjonsselskap, Bjørgvin, og i tillegg vikar i halv stilling i kyrkjene på Osterøy med ansvar for konfirmantane der.

Mot slutten av sommaren, ligg begge desse kyrkjelege medarbeidarane i hardtrening for kjappast mogeleg å få puslespelbrikker på plass når verdsmeisterskapen vert rulla i gang i Spania i dagane 20. - 24. september. Dette er ein meisterskap der alle som vil, kan melde seg på. Det er altså ikkje noko nasjonalt uttak først.

Ole Marton fortel at han i januar i fjor fekk høyre om dette. Han visste om seg sjølv at han var i stand til å pusle relativt raskt, og melde seg på. Mest for sjølve opplevinga. Han var med i tre ulike øvingar, individuelt der ein pusla 500 brikker, så par der han og broren pusla 1000 brikker,

og endeleg eit lag, der dei to brørne toppa laget med ei dansk og ei fransk jente og pusla så to puslespel på 1000 brikker kvar. Poenget var å få brikkene på plass kjappast råd. Alle dei ca. 300 konkurrentane pusla det same motivet.

Det må seiast at dette gjekk veldig bra. Presten i Lindås kan gle seg over at han i fjor vart nr. 19 i VM individuelt, mens han og broren reiste heim som det 11. beste paret i verda.

Ei som sat heime i Alversund og kunne følgje med på sendingar frå verdsmeisterskapen, var Helle Kartveit. Også ho visste med seg sjølv at ho har draget på puslespel, og no fekk òg Helle lyst å konkurrere. Men ho strekar under: - Ole Marton er på eit heilt anna nivå enn eg. Han er kjempegod, seier Helle. - Sjølv vil eg vere glad om eg kjem meg vidare gjennom dei innleiande rundane, seier ho. Og så legg ho til: - Eg har fått teste meg på det puslespelet Ole Marton brukte 50 minuttar på å leggje i finalen i fjor. Sjølv brukte eg 1 ½ time på å få på plass dei 500 bitane. Verdsmeisteren fekk bitane på plass på 34 minuttar.

Ole Marton fortel at kunsten er konsentrasjon. Det gjeld å sortere fort brikker med ulike fargar. Leggje dei fort, og ikkje bli sitjande og dvele ved ei enkeltbrikke.

No er våre to puslande kyrkjefolk snart klare for Spania. Helle seier det slik: -Der har eg ikkje vore før. Gler



Ole Marton (over) var i Spania i fjor og deltok i VM i puslespel.

Helle (under) øver no på å delta i år i lag med presten .



meg til å seie: Eg var der! Eg var med! Og så likar eg kanskje aller best å pusle når motivet viser ein himmel, seier ho.

Slik må det vel også vere for ein kyrkjeleg medarbeidar!

**VATNE**  
begravelsesbyrå

DAHLS

Tlf: **56 35 09 10** (24t)  
Kvassnesvegen 11, 5914 Isdalsbø

[vatne-byra.no](http://vatne-byra.no)

**Knarvik  
Blomsterstove**

Kvassnesvegen 11 – 5914 Isdalstø  
Tlf: 56 35 62 20 – [www.knarvikblomsterstove.no](http://www.knarvikblomsterstove.no)

# Livet på kyrkjegardane

Tekst: John Henanger

Foto: Øystein Skauge

Kyrkjegardane er ein viktig stad, og me er opptekne av at det skal vera fint og velstelt der.

Radøy kyrkjelege fellelsråd fekk NGIR sin miljøpris i 2002 for stell av kyrkjegardane. NGIR grunn gav det m.a. med å unngå plast- og andre oljeprodukt, la løvetann og andre fine fargar veksa til det må slåast, og la graset som er slege, liggja, slik at det vert til gjødsel og kompost.

Like fullt får me av og til spørsmål om stell av gravplassane. Her er nokre av spørsmåla og kortform av svar som me kan gje.

## 1. Bioklipp:

Dette blir gjort på dei fleste gravplassar i landet. Det er ikkje kapasitet å samla opp så store mengder plen gras som det vert i løpet av ein sesong. Bioklipp gjer at graset vert til gjødsel der det er klipt. Utfordring er når graset er vått eller langt når me slår. Me slår alle gravplassar i snitt kvar 10.dag.

## 2. Kvifor ikkje isopor/plastprodukt i blomsterkranser/utplantningar eller pynt:

Det er ønske om at det er mest mogleg produkt som kan sorterast som BIO-avfall på gravplassane. Dette gjeld spesielt gravkransar til jul og bårubukettar/kransar/ oppsatsar ved gravferder. Me håpar leverandørane får strengare krav.

## 3. Kjeldesortering i praksis:

Det er ønskjeleg at alle som plantar/ordnar graver, kjeldesorterer restavfall og bioavfall.

I praksis vert dette ikkje gjort godt nok. Mykje plast følgjer med i dunken for Bio-avfall, slikt som plathanskar, blomsterpotter, posar med rosegjødsel, plast som rosene er pakka i osv

Så slik det er no, vert difor det meste av avfallet kasta som restavfall – når me leverer det til NGIR.

Batteri-produkt skal korkje i restavfall eller i Bio-avfall. Pr i dag må ein ta dette med heim og kaste det med privat EE-avfall. Me jobbar for å få eigne kassar for innsamling av dette på kvar gravplass, og håpar å ha dette på plass innan



våren 2024, men det krev investering av innsamlingsutstyr

## 4. Bossdunkar på utsida av gravplassene:

Status i dag er at det er søppelstasjonar inne på gravplassen. Så må me trilla søppelspann nokre meter for å tømme dei i større NGIR-søppelspann. Nokre stader tek me med oss søppel til felles oppsamling på andre gravplassar. Det vert veldig mange tunge løft og me bruker mykje tid på dette. Så dette vil me endra på både fordi det er HMS-tiltak og for å spare tid.

Me vil på enkelte stader testa ut å plassera større NGIR restavfall-spann ved parkeringsplassen. Då kan kvar enkelt ta med seg søppel og kasta det oppi der på veg til bilen. Så kjem NGIR og tømmer desse på sine ruter

## 5. Samarbeid med NGIR:

Me brukar dei som ressurs for å spørja om tips når det gjeld sortering og regelverk og kva som er mogleg å få til i praksis.

## Vårt mål/håp:

- At sortering av restavfall/bioavfall og EE-avfall vert gjort betre av den enkelte slik at me saman kan kjeldesortera endå meir av restavfallet. Me treng å bruka tid og pengar på å få det til.
- Me håpar i framtida at alle kransar og blomsterdekorasjonar vert mogleg å sortera som bio-avfall.

	<b>EL.INSTALLASJON - INGENIØRTENESTER - SERVICE</b> Torvhusmyrane 6 Nordhordland Næringspark 5913 Eikangervåg Tlf: 56 34 24 30 E-post: post@helland-elektro.no www.helland-elektro.no Foretaksregisteret: NO 986 751 718 MVA	
---	---	---

**Bygg Team**  
VEST AS




Alt innan tømmerfaget!



DEN NORSKE KYRKJA

Bjørgvin bispedøme



# Gje di stemme ved kyrkjevalet!

Er du ein av 3,5 millionar medlemmer i Den norske kyrkja?

Når du stemmer i kyrkjevalet, støttar du arbeidet til kyrkja, og du er med på å bestemme kven som skal leie ho framover. Alle medlemmer som fyller 15 år i år eller er eldre, har stemmerett. På dei neste sidene får du ein kort presentasjon av kandidatane som stiller til val i Bjørgvin bispedøme.

Meir informasjon om kandidatane finn du på [www.kyrkjevalet.no](http://www.kyrkjevalet.no)



**Kyrkjevalet**

10.- 11. september 2023





DEN NORSKE KYRKJA

Bjergvin bispedøme

I Bjergvin bispedøme er det fire lister ved bispedømerådsvalet 2023: **Bønnelista, Frimodig kyrkje, Nominasjonskomiteens liste og Open folkekyrkje.** Listene er presenterte alfabetisk. Kandidatane på kvar liste er presentert i prioritert rekkefølge. Kandidatar med **utheva skrift** får 25 prosent stemmetillegg.

## Kyrkjevalet

10.- 11. september 2023

### »»» Bønnelista

Bønnelista vil vidareføre den kristne tru og tradisjon som Den norske kyrkja har vore tufta på sidan reformasjonen. Bibel og vedkjenning er og skal vere kyrkja sitt grunnlag. Den norske kyrkja skal vere ein del av Guds synlege kyrkje på jord, med medlemmer som har Jesus som Herre, og med lokalstyrte kyrkjelydar med leiarar som lett seg leie av Den Heilage Ande og som søker Gud i bøn og tilbeding. Bli kjend med kandidatane på [www.bonnelista.no](http://www.bonnelista.no)



**Sigurd Grindheim**  
(1968)  
Professor, Stord



**Solaug Anita Apelthun Sæle**  
(1951)  
Økonomisjef, Fjell



**Finn Indrebø**  
(1948)  
Pensjonist, Askøy



**Trygve Johannes Hellesøy**  
(1938) Pensjonert prest, Hellesøy



**Torid Morsund Øygard**  
(1999)  
Student, Bergen



**Magdalena Steinhovden**  
(1947) Pensjonist, Naustdal



**Anna Helena Bruun**  
(1974) Regnskapfører, Rådal



**Mahdi Alipor Esfahani** (1979)  
Butikkmedarbeidar, Førde



**Anders Myrene**  
(2002)  
Student, Naustdal



**Gunnar Innerdal**  
(1983) Førstemanuensis, Øygarden



**Per Hilleren**  
(1959)  
Bonde, Sogndal



**Marthe Hauge**  
(1965) Krefstjukepleiar, Skilbrei i Sunnfjord



**Egil Morland**  
(1950)  
Professor emeritus, Øygarden




**Geir Møller**  
(1957)  
Pensjonist, Bergen



**Karen Sofie Uthaug**  
(1998)  
Student, Alver



**Hilde Kayser Rohde**  
(1955)  
Pensjonert musikal, Bergen



**Anlaug Risa**  
(2003)  
Student, Balestrand



**Torstein Backer-Owe**  
(1959)  
Rådgevar, Odda

### »»» Frimodig kyrkje

Vi ønsker ei kyrkje som er trufast mot Guds ord, open og evangeliserande. Målet er å nå dagens menneske med evangeliet og utrusta til å følgja Jesus i kvardagen. Kyrkja blir bygd nedanfrå og gudstenestene er pulsslaget. Vi vil gje den lokale kyrkjelyden større ansvar, redusera sentralstyring og byråkratisering og gje rom for kyrkjelydar med ulik profil. Vi vil stimulera til levande fellesskap nær Jesus og nær menneske. Vi ønsker å styrka arbeidet med søndagsskule, trusopplæring, bibelundervisning og Alphakurs, evangelisering og omsorgsarbeid. Vi vil arbeida for trygge og sunne rammer



for born og unge i ei grenselaus tid. Frimodig kyrkje ønsker å endra valordninga i kyrkja bort frå eit polarisert partisystem. Ein nærare presentasjon av kandidatane våre finst på [www.frimodigkirke.no/bjergvin](http://www.frimodigkirke.no/bjergvin)

### Open folkekyrkje »»»

Sidan starten i 2014 har Open folkekyrkje gjort det vi kan for at Den norske kyrkja har vorte meir open for eit mangfold av menneske med ulike liv og livsrønslar. Vi har mellom anna sytt for at også likekjønna par skal kunna gifta seg i kyrkja si. Open folkekyrkje ynskjer ei kyrkje som alle skal kunna leva heile livet i, der alle skal kjenna seg velkomne, sedde og stadfesta. Kyrkja har ikkje A- og B-medlemmer – dåpen er einaste medlemsvilkår. Open folkekyrkje vil at kyrkja skal utviklast vidare som ei open, inkluderande og demokratisk folkekyrkje. Vi vil arbeida for at folk meir og meir skal kjenna at dei høyrer til i kyrkja, slik at den kristne trua vert halden levande og er viktig i den einskilde sitt liv. Kyrkja skal vera open for alle, fremja menneskeverdet og motarbeida diskriminering. [www.apenfolkekirke.org](http://www.apenfolkekirke.org)





## Nominasjonskomiteens liste >>>

Kyrkjelydane si felles liste er sett opp av ein nominasjonskomitee med eitt medlem frå kvart prosti, valt av sokneråda, i tillegg til ein representant frå ungdomsrådet. Kandidatane er forslag frå sokneråd, ungdomsråd og nominasjonskomiteen sjølv. Komiteen har mellom anna vektlagt kandidatar som er opptekne av at kyrkja sitt arbeid skal vera lokalt forankra, i sokna. Lista representerer ingen organisasjon eller interessegruppe. Saman vil me arbeida til det beste for den lokale kyrkja. Les meir om nominasjonskomiteen sine lister og dei enkelte kandidatane på [www.nominasjonskomiteen.no](http://www.nominasjonskomiteen.no)




**1**  
**Dag Sele**  
(1964)  
Lege,  
Stord



**2**  
**Turid Fjose**  
(1969)  
Lege,  
Voss



**3**  
**Amalie Gjengedal-Eide**  
(1996)  
Lektor, Bergen



**4**  
**Arne Jostein By**  
(1948)  
Pensjonist,  
Stryn



**5**  
**Kristin Jordheim Bovim**  
(1955)  
Lege Bergen



**6**  
**Dag-Olav Bjørøy**  
(1957)  
Seniorkonsulent,  
Øygarden



**7**  
**Hege Feet Askvik**  
(1957)  
Pensjonist,  
Alver



**8**  
**Helge Dyrkolbotn**  
(1964)  
Avdelingsleiar,  
Austrheim



**9**  
**Amalie Ulevik Bjerk**  
(1997)  
Student, Bergen



**10**  
**Ingeborg Watne Flatland**  
(1979)  
Lærer, Førde




**11**  
**Leif Steinar Alfsvåg** (1959)  
Høgskulelektor,  
Stord



**12**  
**Elise Skjærven Aas**  
(2005)  
Student, Bergen



**13**  
**Rune Garmann**  
(1952)  
Pensjonist,  
Masfjorden




**14**  
**Torild Teige Strand**  
(1959)  
Lærer,  
Solund



**1**  
**Karl Johan Kirkebø** (1950)  
Pensjonist,  
Bergen



**2**  
**Oddny Miljeteig**  
(1954)  
Pensjonist,  
Bergen



**3**  
**Live Bakke Nydal**  
(2004)  
Student,  
Florø



**4**  
**Rune Johan Skjælaaen**  
(1954)  
Pensjonist, Bergen



**5**  
**Anne Vierdal**  
(1996)  
Trusopplærer,  
Sveio



**6**  
**Eiel Holten**  
(1968)  
Seniorrådgjevar,  
Bergen



**7**  
**Malene Mortensen**  
(2001)  
Sekretær,  
Sotra



**8**  
**Håkon Glatved-Prahl**  
(1956)  
Journalist, Alver



**9**  
**Mari Skjerdal Lysne**  
(1985)  
Stipendiat, Sogndal



**10**  
**Vegard Flatebø Trætteberg**  
(2002)  
Lagfører, Bergen



**11**  
**Inger Johanne Gullbrå**  
(1949)  
Pensjonist, Voss



**12**  
**Lars Hana**  
(1955)  
Pensjonist,  
Askøy



**13**  
**Signe Eikenes**  
(1963)  
Prosjektleiar,  
Leikanger



**14**  
**Andreas Gravdal**  
(1981)  
Formidlar,  
Bergen



**15**  
**Ove Sverre Bjørdal**  
(1971)  
Statsautorisert  
revisor, Bergen



**16**  
**Torill Jørgensen Frøise**  
(1972) Rådgjevar  
Askøy



**17**  
**Christian Emil Haugen**  
(1990) Lege,  
Bergen



DEN NORSKE KYRKJA  
Bjørgvin bispedøme



# Nyttig å vite om valet

## Kvifor stemma ved kyrkjevalet?

Som medlem bidreg du til fellesskap, glede, livsmeistring og meining for deg sjølv og andre, til dømes gjennom dåp, bryllaup, babysong, barne- og ungdomsaktivitetar, gudstenester, kor og konsertar. Du bidreg også til å ta vare på vår felles kulturarv i form av kyrkjebygg og tradisjonar, og du er med på å støtta det sosiale arbeidet til kyrkja for menneske i glede og sorg, einsame eller aktive i fellesskap. Ved å stemma bidreg du til at kyrkja er ei demokratisk folkekyrkje.

## Kven har stemmerett?

Medlemer av Den norske kyrkja har stemmerett frå det året dei fyller 15 år. Du må vere døypt for å vere medlem i kyrkja. Det er ikkje andre krav til stemmerett enn alder og medlemskap. Sjå medlemskapen din på [www.kyrkja.no/medlem](http://www.kyrkja.no/medlem)

## Kven blir valt i kyrkjevalet?

Du stemmer lokalt på **kandidatar til soknerådet** der du bur. Hovudoppgåva til soknerådet er å utvikla arbeidet til kyrkja i lokalsamfunnet, frå gudstenester og barne- og ungdomsarbeid til kultur og sosialt arbeid og diakoni. Som regel er det berre ei liste ved soknerådsvalet.

Du stemmer regionalt og nasjonalt ved å stemma på medlemer til **bispedømerådet** og **Kyrkjemøtet**.

**Bispedømerådet** er det regionale styringsleddet i Bjørgvin (Vestland fylke). Rådet jobbar strategisk med å samla og formidla kunnskap om utvikling i kyrkjelydane, driva utviklingsprosjekt og fremje samarbeid mellom kyrkjelydane. Ved bispedømerådsvalet er det fire lister.

**Kyrkjemøtet** er det øvste organet i Den norske kyrkja. Her blir alle bispedømeråda samla ei veke kvart år. Kyrkjemøtet vedtek planar og strategiar for kyrkjemusikk, sosialt arbeid (diakoni), miljøarbeid, kulturarven til kyrkja, ordningar for gudstenester og organisering av kyrkja.

## Korleis stemmer du i kyrkjevalet?

Du stemmer på same tid som ved kommunestyre- og fylkestingsvalet. Kyrkjevalet skjer i eit lokale rett i nærleiken av kommunevalet. Det er òg mogleg å førehandsstemma.

## Enkelt å førehandstemma digitalt

Du kan førehandsstemma når og kvar du vil på nett frå 10. august til og med 6. september 2023. Skann QR-koden under eller besøk [kyrkjevalet.no](http://kyrkjevalet.no). Hugs at det er hemmeleg val! Les meir om kandidatane til begge val på [www.kyrkjevalet.no](http://www.kyrkjevalet.no)

**Godt val!**

# Kyrkjevalet

10.- 11. september 2023



# Kyrkjevalet – ei hundreårs soge

Av Egil Morland, professor emer. i teologi og kyrkjerett

Det er i år 100 år sidan det første soknerådsvalet vart halde. Stortinget vedtok i 1920 at det skulle etablerast sokneråd i kvart prestegjeld i landet. Det blei også gjort vedtak om at ei ordning med «menighetsmøte», det vi i dag kallar soknemøte, eller kyrkjelyden sitt årsmøte, skulle innførast. På sett og vis var soknemøtet, der alle medlemmer kunne delta og fremja saker, viktigast. For det var der det m.a. vart røysta over om nye liturgiar og salmebøker skulle erstatta dei ein alt hadde. I dag er soknemøta nesten ribba for reelt mynde.

Dette var starten på det vi kallar kyrkja si «organisering», som vi kjenner som heile rekkja av råd, frå sokneråd til bispedømeråd, Kyrkjemøte og kyrkjeråd.

Vedtaket i 1920 hadde sjølv sagt ei forhistorie. Frå om lag 1860 hadde det vore harde debattar om kyrkja sitt høve til staten. Ein av dei ivrigaste aktørane var den skarpe juristen Absalon Taranger frå Sund; han som vart kalla den første strileprofessoren. Taranger ivra for ei fri folkekyrkje, ikkje ei frikyrkje eller ei statskyrkje med reformer. For makta ville uansett liggja hos staten. -Statskyrkja er ein skandale, hevda han. Den krenker både kyrkje og stat – og religionsfridommen. Taranger var med i den store kyrkjekommisjonen som vart sett i arbeid i 1908, men vann ikkje fram i hovudsaka. Soknemøte og sokneråd vart det altså, likevel.

Etter andre verdskrigen vart ein ny kyrkjekommisjon sett i arbeid. Kyrkja hadde brote med Nasjonal Samling og staten i 1942, slik at kyrkja faktisk var ei fri folkekyrkje dei neste tre åra. Basert på desse røyntslene ville kyrkja ha ein reform av statskyrkja, med utstrekt indre sjølvstyre, særleg i lærespørsmål.



Arbeidet førte ikkje til så mykje meir enn ein ny kyrkjeordningslov i 1953.

Kyrkja var på alle vis ei statskyrkje fram til dei siste 10-15 åra. Også skiljet mellom stat og kyrkje i 2012 måtte følgjast opp av ulike vedtak, der den nye trussamfunnsloven i 2020 markerer sluttsteinen i prosessen.

Dei viktigaste endringane i kyrkjevalet dei siste åra skuldast ikkje at stat og kyrkje har skilt lag. Men Stortinget la ein premiss til grunn for skiljet, eit vilkår som mange kyrkjepolitikarar har vore ivrige etter å oppfylle: Kyrkja måtte bli meir «demokratisk». Då var det ikkje så rart at oppslutnaden om kyrkjevalet kom i fokus. Deltakinga måtte opp. Det har ein lukkast med, men det er jo eit spørsmål om 10-12 % er så mykje betre enn 1-2 %, dersom kriteriet er «demokratisk».

Det er to store endringar som er gjort ved dei siste vala i kyrkja, og begge skal gje eit skin av å fremja demokratiet:

1. Trass i eit absolutt nei i den store utgreiinga om «det livssynsopne samfunnet» til å leggja val i eit *trussamfunn* saman med politiske val, så er det nett det som no skjer. Kontrasten er stor til den gamle ordninga, der valet var lagt til kyrkjehusa etter gudstenesta. Den praksisen var teologisk grunna. I

vedkjenninga står det at kyrkja er forsamlinga av dei som kjem saman for å høyra Guds ord og ta imot sakramenta. Eg kjenner ingen prest eller kyrkjeleiar som ikkje ville jubla om dette galdt både 20 og 50 % - eller meir – av kyrkja sine medlemmer!

2. Det er også blitt ei ordning med *direkte val* til bispedømeråda i heile landet, noko Bjørgvin biskop og bispedømeråd var sterkt usamde i. Eg har vore på mange seminar om valordningar der våre fremste ekspertar ikkje vil hevda at direkte val er meir demokratisk enn indirekte.

Det indirekte valet gjorde at dugande folk i sokneråda blei valde til å sitja i bispedømeråd og dermed i Kyrkjemøtet, og slik ta ansvar for grasrota si oppfølging av sentrale vedtak og resolusjonar. Men ordninga med direkte val har som konsekvens at kyrkja ikkje lenger har såkalla gjennomgåande representasjon i sin styringsstruktur.

Konsekvensen er diverre at val til bispedømeråd og kyrkjemøte får eit langt sterkare fokus enn valet av dei som må bera «dagens byrde og hete»: soknerådet.


Den største endringa i valordninga er framveksten av lister. I år er det minst fire lister å velja mellom, vel å merka i valet til bispedømeråd, og dermed til Kyrkjemøtet, men typisk nok ikkje til val av sokneråd. Situasjonen er jo den at det svært mange stader er vanskeleg å få nok folk til å stå på denne lista, og slik ta ansvar for livet lokalt. Det kan vera nyttig å merka seg at i den før omtalte kommisjonen av 1908 var det ei grunnhaldning både hos politikarar og kyrkjefolk at kyrkja skal byggjast nedanfrå. Dette idealet er stort sett blitt borte undervegs i kyrkja si såkalla demokratisering.



# «Barnepjatt» (?)

ANDAKT av Åge Clausen

Eg sto der på sjukehusrommet med frukostbrettet. Sidan det var advent hadde me fått beskjed om å ha stearinlys på bretta. I senga låg ein kar i 50-åra. Han hadde fått klar melding om at tida hans her snart var ute. Han spør: «Hvorfor har du lys på brettet?» Eg seier det er fordi det er advent og ung og frimodig som eg (den gongen)



var, knytte eg nokre ord om Jesus og lyset til. Reaksjonen hans var kontant og tydeleg. «Slutt med det barnepjattet der!» Det var stilt då eg hjelpte han med frukosten og eg etterpå tusla litt slukøyra ut frå rom 225 på Diakonhjemmet. «Barnepjatt»....på nynorsk noko slikt som «toskasnakk»? Er det det Jesus som verdas lys er blitt for mange? Om du er ein av dei (og det er ditt frie val) treng du ikkje lese vidare i denne vesle andakta...

Eg vil dele ei kort setning frå Johannes evangeliet kap.15 vers 5. Dette verset vert innleia med setninga; «Eg er vintreet, de er greinene.....» Det er Jesus som deler med læresveinane sine. Han gjev garanti for sin nærleik til dei. Dette er ei av Jesus sine mange utsegner med ei utruleg mening! Han seier nemleg ikkje «Eg er stammen, de er greinene».... Kanskje er det fleire enn meg som har trudd det lenge? Heilt til ein klok ven gjorde meg obs på dette fantastiske at me får vere ei grein der Jesus er ein del av den same greina. No er eg ikkje korkje teolog eller biolog, men det står for meg som noko utruleg nært, ja, integrert som det no fint heiter. Tenk å få leve i ei tru der Jesus garanterer eit nærvær som går ut over all menneskeleg førestilling!

Dette bilete av treet skal få vere vår felles kjelde i trua til kvar einskild av oss. I kyrkjelyden vår og i kyrkja vår. Då kan det og verte eit fellesskap i tru og medvandring, der kvar og ein av oss får vere bidragsytarar. Tør me ha med det perspektivet når me byggjer vidare vår kyrkjelyd/ vårt fellesskap?

## KULTURKALENDER

### 16. september

#### Knarvik kyrkje kl. 17.00

Norges Korforbund Hordaland inviterer til haustkonsert «Med Song For Ei Betre Verd» med kora Bergen Seniorkor, Fjellkoret, Flaktveitgjengen Blandakor, Haugatunkoret, Sola Fide, Rosendal Songlag og Follesø Mannskor. Billetter kr. 200.

### 20. september

#### Meland kyrkje kl. 18.00

Onsdagskonsert. Maria Sæle og Magnus Blom. Song, musikk, tekstlesing. Kollekt til musikkarbeidet.

### 25. oktober

#### Meland kyrkje kl. 18.00

Onsdagskonsert. Unge utøvarar og Magnus Blom. Song, musikk, tekstlesing. Kollekt til musikkarbeidet.

### 28. oktober

#### Knarvik kyrkje, Petersplassen i underetasjen, kl. 19.00

Konsert: Songen og sorga - eit musikalsk møte mellom trøystesongaren Sølvi Helen Hopland og sorgsongaren Ove I. B. Danielsen. Song og samtale om deira ulike sorgvegar og korleis leva vidare. Musikalsk gjest: Stine Karin Sæle. Billett: 250,-

### 4. november

#### Knarvik kyrkje kl. 11.00-16.00

MISJONSMESSE for NMS. Misjonsmøte – Kafé – Salsboder med handarbeid og matvarer, åresal, godterilotteri for born og trekning av hovudlotteriet.

### 15. november

#### Meland kyrkje kl. 18.00

Onsdagskonsert. Lise Herland, obo og Magnus Blom. Song, musikk, tekstlesing. Kollekt til musikkarbeidet.

### 19. november

#### Knarvik kyrkje

Alversund kammerkor inviterer til konsert. Framføring av m.a. Gloria av Vivaldi.

## GALLAMIDDAG FOR KAMERUN Alver Hotel lørdag 11. november kl. 18-21

I november feirer Det Norske Misjonsselskap 100 års-jubileet for den evangelisk-lutherske kirken i Kamerun med gallamiddag i fem byer i Norge. I Bergen arrangeres festen på Alver Hotel lørdag 11. november kl. 18-21 med festprogram med bl.a. Jan-Tore Saltnes fra Nordic Tenors, Sophie Moke Meteke, Haakon Kessel og Terese Bue Kessel fra NMS, gruppe fra Gospelsingers og afrikansk sanginnslag fra tidligere ungdomskor medlemmer fra tidligere ungdomskor i Nordhordland. Mer informasjon og påmelding på [www.nms.no](http://www.nms.no)

**PH** NORDHORDLAND BEGRAVELSESBYRÅ Ditt lokale gravferdsbyrå  
ÆDER

ALLTID HÉR FOR **deg**

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund Havnevegen 31 Frekhaug Elvavegen 1 Dalekvam

**Torsvik Elektro AS er total-leverandør av elektroinstallasjoner i Alver**

**Vi utfører:**

- Bolig og industri • Alarm
- Billadere • Adgangskontroll
- Tele/data-nettverk • Automatisering • Godkjent for kontroll av el. anlegg

Torsvik Elektro AS / Lager: Olsvollstranda  
Tlf: 56 38 50 00 / [www.torsvik.no](http://www.torsvik.no) / [post@torsvik.no](mailto:post@torsvik.no)  
KVALITETSBEVISST – LØSNINGSORIENTERT – SAMARBEIDSVILLIG

**Torsvik ELEKTRO**

**Alver Byggrenhold**



## Soknerådsarbeid er kjekt!

Tekst: Anne Sofie Uthaug

Foto: Privat

Regine Sagstad Berg 34 år har vore i soknerådet i to periodar, og mesteparten av tida som leiar. Ho er også avdelingsleiar i Bouvet, eit konsulentfirma, er aktiv sosialt og har fått sitt første barn i same periode. No er tida for å gje seg, har ho funne ut. Vi spør henne: Korleis har du klart dette og kva har gitt deg motivasjon til oppgåva i soknerådet?

– Meland kyrkjelyd er en svært engasjert og aktiv menighet med mange frivillige og stor deltakelse i både gudstjenesteliv og aktiviteter, det er motiverende i seg selv syns jeg. I tillegg har jeg opplevd at frivillige, sokneråd og stab samarbeider utrolig godt sammen, det gjorde også at det var kjekt å stille til gjenvalg for fire år siden. Det er enkelt å komme med forslag og endringer, fordi jeg opplever at man står sammen om både satsingsområder og utfordringer.

– Du har jo også vore med i nominasjonskomiteen: Korleis motiverte du andre til å stille til val?

– De fleste vi i nominasjonskomiteen ringte til var allerede godt motiverte og har samme mål - å være en del av en menighet som kan treffe folk i alle faser i livet og legge til rette for at flere skal få høre om Jesus. Jeg fortalte ærlig om hvilken påvirkning man kan få, hvor mye godt arbeid som fins og hvor stort potensial det er videre. Jeg er spesielt stolt over givergleden i kyrkjelyden vår og det gjør at mulighetsrommet er stort! Hvem vil vel ikke være del av et sånt råd? Vi har også vektlagt hvor viktig det er med ulike bakgrunner og erfaringer. Alle som står på listen er fantastiske folk og Meland er heldige uansett hvem som havner øverst på listen, avslutter Regine Sagstad Berg.



**SKARSVÅG**  
Rør og Interiør as

Telefon: 56 17 07 10 Telefaks: 56 17 07 11  
Besøksadresse og Postadresse:  
Melandsvegen 15, 5918 FREKHAUG

Mandag-Fredag 08.00-16.00 Lørdag :STENGT

For avtale etter kl. 16.00 alle hverdager,  
ta kontakt på telefon: 56 17 07 10



**REMA 1000**  
FREKHAUG SENTER  
tlf.: 56 17 60 00



**Hageland**

Søderstrøm Blomster og Hagesenter AS  
Lyngvegen 1, 5914 Isdalste  
tlf. +47 56 35 17 65  
mobil +47 926 08 647



**KIWI mini pris**  
for alle med sans for lavpris  
FREKHAUG SENTER  
Åpningstider: Man-lør: 07.00-23.00

**Meland Auto AS**  
Autorisert bilverkstad  
[www.melandauto.no](http://www.melandauto.no)



**ALT I CATERING**  
NORDHORDLAND FOLKEHØGSKULE  
[www.catering.com](http://www.catering.com) • tlf. 56 17 43 23



**GLØDE**  
Arbeids- og Kompetansesenter

Vi tilbyr utleige av flotte festlokale og har gode cateringtilbud til dåp, konfirmasjon, jubileum og minnesamvær.  
Sjå [www.glode.no](http://www.glode.no) eller ta kontakt på 56 17 58 00

# Gir håp gjennom TV

Tekst: Mona Rosvold

Foto: Åshild Bjørkum Furukawa

**Tv-kanalen SAT 7 når ut med håp til barn, kvinner med problem og isolerte kristne i Midtøsten. Mona Rosvold var på NMS sin generalforsamling i sommer og forteller om inspirasjon til misjonsprosjektet derfra:**

Siden Meland Kyrkje støtter arbeidet i Midtøsten, valgte jeg å delta på et seminar der arbeidet der ble presentert. Programleder i Sat-7, Marianne, fortalte levende historier om hvordan staben hele tiden får tilbakemeldinger fra hele verden om at sendingene gir håp om en bedre framtid og mot til å være kristen.

Midtøsten og Nord-Afrika er et område med mye terrorisme, kriger og undertrykkelse. Mennesker er på desperat søken etter håp og forandring. Mange steder er det ikke religiøs frihet, men det er streng sensur og mangel på leseferdighet. Mange kvinner og barn opplever uverdighet og urett. Informasjon gjennom satellitt-TV har åpnet opp mulighet til å formidle informasjon til mange avsidesliggende steder og til mange som ikke kan lese.

Den kristne TV-kanalen Sat-7 når ut over hele Nord-Afrika og Midtøsten. Via internett når den ut over hele verden. Kanalen sender hele døgnet på mange ulike språk. Program for barn og voksne med kristne verdier skapes og sendes, og forkynnelse og sanger blir hørt. Undervisningsprogram når ut til millioner av flyktninger og andre som er forhindret fra å få utdanning. Mennesker får bl.a. kjennskap til at kvinner har samme rettigheter som menn, og det fortelles om adresser til organisasjoner og steder som hjelper de som trenger hjelp. Mange får styrke og mot til å fortsette å tilhøre sitt kristne fellesskap. Kjennskap til Bibelens kjærlige Gud fører folk til en kristen kirke. Driften av kanalen støttes av pengegaver. Vi i Meland er med på å forandre verden for mange barn, unge og voksne som får kjennskap til rettferdighet og håp og om Bibelens kjærlige Gud gjennom Sat-7.



Marianne Awaraji Daou fra Sat-7 i Libanon. Marianne startet i Sat-7 i barneprogram da hun var 10 år. Hun ble senere programvert og har ansvaret for kontakt med seerne.

## Misjonsfest på Frekhaug bedehus

Misjonsfest på Frekhaug Bedehus søndag 17. september kl 19.00

Tale ved tidlegare Biskop Ole D. Hagesæter

Musikk ved hornorkesteret SKALA og Frekhaug Indremisjons Musikklag.

Smørbrød. Alle velkomne!

## Slekters gang

### Døypte

30.04.2023 Linnea Kristine Hodneland  
07.05.2023 Othelia Losnegard Lien  
21.05.2023 Eline Olsvoll Valdersnes  
21.05.2023 Liam Sandvik  
28.05.2023 Johannes Åsebø  
28.05.2023 Vetle Johnsen Eikeland  
18.06.2023 Antonio Haukeland Grosso  
18.06.2023 Live Lauritzen Neset  
18.06.2023 Sofie Vassdal Kubon  
16.07.2023 Johanne Fondenes Storheim (Knarvik kyrkje)  
06.08.2023 Pernille Heggdal

### Gravferd/bisetjing

28.04.2023 Tore Godtskalk Eikeland  
05.05.2023 Nils Skare  
26.05.2023 Johan Alv Andersen  
26.05.2023 Egil Steinar Gaustad  
20.06.2023 Thorolf Thorsen  
20.06.2023 Bjørg Gudrun Sleire  
23.06.2023 Villy Johannes Bognøy  
27.06.2023 Olav Flatøy  
30.06.2023 Kåre Olai Haugen  
04.07.2023 Ove Geir Mikkelsen  
01.08.2023 Margit Rifsgård

# Tankestrek

Tekst: Solveig Westermoen

## VALGETS KVAL

Kvalen er eit underleg vesen. Blåkvalen er antakeleg det største dyret som nokon gong har levd på jorda, ifølgje Store norske leksikon. Kvalane svømmer rundt i havet og et krill og blekksprut og anna knask.

I Bibelen les vi fortellinga om Jona (han har si eige bok!), ein mann som fekk nærkontakt med ein kval etter å ha tatt eit val med store konsekvenser. Heile forteljinga kan du lese sjølv, men kort fortalt får Jona eit oppdrag frå Gud, men vel å stikke av, vert kasta på sjøen, vert slukt av ein stor fisk og angrar på valet han tok. Då blir han redda av Gud og Jona kan redde mange andre.

I våre liv tek vi og mange val. Nokre val gjer vi uten å tenke over det, som at vi tek på oss rein undikk når vi står opp og pusser tenna før vi legg oss. Andre val er meir gjennomtenkte, som kven vi vil dele livet vårt med og kor vi skal bu.

Vi skal snart vere med og velje kven som skal ta val for oss, både i kommunehuset og i kyrkja. Eg håper at både oss som vel, og dei som vert valt, tar gjennomtenkte val i dei neste åra. Det er mykje som står på spel, og vi kan ikkje alltid sjå for oss konsekvensene av alle val vi tar. Vi må ha tillit til at dei som vel å stille til val har tenkt lenge og vel gjennom kvifor dei vil vere med å ta val på vegne av oss andre, og at dei er villige til å bruke den informasjonen dei får til det beste for heile kommunen og kyrkjelydane våre.

Og no skal eg, som kvalen, trekke pusten godt før eg tar eit dypdykk ned i informasjon om kandidatane til både det eine og anna slik at eg kan gjere eit godt val og bidra til at fleire får det betre.

Godt val!



## DEN NORSKE KYRKJA

Meland kyrkjelyd

**Besøks- og postadresse kontor og Møteplassen:** Havnevegen 31, 5918 Frekhaug. NB. Brakker frå 01.04.23

### Opningstid:

Kontoret på Frekhaug er oftast bemanna man-fre 08.30-15.00. Ta kontakt for avtale.

**Telefon:** 4000 1691  
kvar dag kl 10.00 – 14.00.  
post.meland@kyrkja.no  
www.melandkyrkja.no

**Facebookside:** Meland kyrkjelyd

**Kontonummer:** 3632 07 04019

**Vipps:** 59301

Hugs å merka kva betalinga gjeld.



**Følg oss på Facebook:**  
[@melandkyrkja](#)

### Alver kyrkjelege fellestråd

Lonsvegen 1, 5914 Isdalstø  
post.alver@kyrkja.no  
www.kyrkja.no/alver

**Leiar i fellestrådet:** Tove Sneås  
Skauge. tovesneska@gmail.com

### Kontakt

**Utgjevar:** Soknerådet i Meland sokn, i samarbeid med Osterfjorden sokn, Mo sokn, Knarvik sokn, Radøy sokn og Lindås sokn.

**Redaktør:** Øystein Skauge

**Lokal redaksjon:** Solveig Westermoen, Anne Sofie N. Uthaug

**Grafisk design:** Simen Søvik

**Trykk:** Bodoni AS

**Framsidedeilete:** Kyrkja i Meland treng di stemme ved kyrkjevalet.



**Helge Taranrød**  
Prost  
ht759@kirken.no



**John Fredrik Wallace**  
Kyrkjeveerje  
jw734@kyrkja.no



**Bjørn Tore Sæle**  
Sokneprest - 450 35 084  
bs694@kyrkja.no



**Anne Sofie Nergård Uthaug**  
Dagleg leiar - 404 62 647  
au887@kyrkja.no



**Anne Marit Fosse Dahle**  
Kyrkjelydspeagog - 400 01 691  
ad423@kyrkja.no



**Håkon Økland Kinsarvik**  
Spesialprest - 976 44 169  
hk482@kirken.no



**Gyda Matland**  
Administrasjonssekretær  
400 01 691 - gm663@kyrkja.no



**Magnus Blom**  
Kyrkjemusikar - 458 60 571  
post.meland@kyrkja.no



**Mounir Sarhan**  
Kyrkjetenar - 471 91 961



**Ruben Sæle**  
Diakon med ungdomsfokus  
400 01 691 - rs433@kyrkja.no



**Regine Sagstad Berg**  
Soknerådsleiar - 993 24 460  
reginesagstad@gmail.com

# GUDSTENESTE- KALENDER

Foto av Meland kyrkje: Morten Sæle



## Meland

**27.08.2023 kl. 11:00**

Holmeknappen  
Gudsteneste Bjørn Tore Sæle

**3.09.2023 kl. 11:00**

Gudstjeneste med nattverd  
Bjørn Tore Sæle

**9.09.2023 kl. 10:00**

Konfirmasjonsgudsteneste  
Bjørn Tore Sæle

**9.09.2023 kl. 12:00**

Konfirmasjonsgudsteneste  
Bjørn Tore Sæle

**9.09.2023 kl. 14:00**

Konfirmasjonsgudsteneste  
Bjørn Tore Sæle

**10.09.2023 kl. 11:00**

Konfirmasjonsgudsteneste  
Bjørn Tore Sæle

**10.09.2023 kl. 19:30**

Kveldsgudsteneste med  
nattverd Håkon Kinsarvik

**16.09.2023 kl. 10:00**

Konfirmasjonsgudsteneste  
Håkon Kinsarvik

**16.09.2023 kl. 12:00**

Konfirmasjonsgudsteneste  
Håkon Kinsarvik

**16.09.2023 kl. 14:00**

Konfirmasjonsgudsteneste  
Håkon Kinsarvik

**17.09.2023 kl. 11:00**

Gudsteneste med nattverd  
Håkon Kinsarvik

**24.09.2023 kl. 11:00**

Gudsteneste med nattverd  
Håkon Kinsarvik

**1.10.2023 kl. 11:00**

Gudsteneste med nattverd  
Bjørn Tore Sæle

**1.10.2023 kl. 19:30**

Kveldsgudsteneste med  
nattverd Håkon Kinsarvik

**8.10.2023 kl. 11:00**

Gudsteneste med nattverd  
Bjørn Tore Sæle

**15.10.2023 kl. 11:00**

Gudsteneste med nattverd  
Håkon Kinsarvik

**22.10.2023 kl. 11:00**

Gudsteneste med nattverd  
Bjørn Tore Sæle  
Søndagsøpe og 50-  
årskonfirmantar

**29.10.2023 kl. 11:00**

Gudsteneste med nattverd  
Bjørn Tore Sæle

**5.11.2023 kl. 11:00**

Gudsteneste med nattverd  
Bjørn Tore Sæle

**5.11.2023 kl. 19:00**

Gudsteneste Håkon  
Kinsarvik

**12.11.2023 kl. 11:00**

Gudsteneste med nattverd  
Bjørn Tore Sæle

**12.11.2023 kl. 19:30**

Kveldsgudsteneste med  
nattverd Håkon Kinsarvik

**19.11.2023 kl. 11:00**

Gudsteneste med nattverd  
Håkon Kinsarvik

**26.11.2023 kl. 11:00**

Gudsteneste med nattverd  
Bjørn Tore Sæle

## Konfirmantar 2023

Namna på konfirmantane september 2023 finn du på nettsida: [kyrkja.no/meland](http://kyrkja.no/meland) eller i lokalavisene før konfirmasjonane.

